

留青日札

留青日札卷之十三

錢塘田藝蘅子杕撰

倩徐懋升玄舉校

大明大統曆解

正月不曰一月而曰正月者歲之首月取其端正故
史記名端月云二世二年正月也正本去聲从一从
止當也是也君也小雅正月繁霜我心憂傷注正讀
曰政以純陽用事爲正陽之月也秦始皇名政政一
作正以正月旦日生故名正時避諱故讀如征然禮
記緇衣昔吾有先正其言明且清漢書叙傳奕世宗

正並叶音征今當改正也正必建寅者所謂夏正也
又爲阪月故曰孟阪阪阪隅也孟阪東北阪也孟春
之月日在營室昏參中旦尾中律中太簇律者候氣
之管以銅或竹爲之中猶應也太簇律長八寸陰陽
之氣距地面各有淺深故律之長短如其數也寅醴
也陽氣動去黃泉欲上出陰尚強也象少不達醴寅
于下也故曰引達于寅太歲在寅曰攝提格格起也
萬物承陽而興起也攝提星名隨斗杓建十二月格
木長貌又正也舉也 立春正月節立建也置也从
大立一之上也春推也陽也从日艸春時生也蠢也

蠢興也歲之始萬物蠢蠢然出也春爲青陽東方少
陽之色也物生乃動運故爲規所謂東方之神太皞
乘震執規司春是也立春者春氣始建也如初成立
也 初五日曰東風解凍冬則北風結凍春則風自
東來木氣通火故溫而解凍也爾雅謂之谷風

次五日曰蟄蟲始振九月之末蟄蟲咸俯則至冬而
皆藏矣春至而蘇始振動而將出未出也 又五日
曰魚陟負冰魚寒則伏于水底陽動而潛鱗升起上
游而背負于冰也故月令作魚上冰 雨水正月中
雨去聲水需雲間自上而下也水象衆水並流中有

微陽之氣而陽氣既動散而爲水也天一生水故水
自天而雨北風凍之則凝而爲雪東風解之乃散而
爲水 初五日曰獺祭魚獺似狐而小青黑色膚如
伏翼从獺或作獺一名水狗水居食魚者取魚祭天
乃敢自食報本也其祭也圓鋪水象也能食鹽而死
獺飲酒而斃此類之不推也淮南子曰鵲巢知風之
目獺穴知水之高下水之所及則移穴也或曰獺一
歲二祭然後漁人入澤梁 次五日曰侯鴈北鴈隨
陽鳥也知時候以保身有去就之義而不失序一名
采鳥一名陽鳥寒則來于江南熱則歸于塞北故至

此則漸返于此矣世傳衡州有回鴈峰鴈至此不過
遲春而回故又曰過彭蠡之北也梁州有鴈塞山上
有大池水鴈皆棲集故名鴈塞月令作鴻鴈北秋令
曰鴻鴈來又曰鴻鴈來賓冬令曰鴈北鄉皆取其知
時也能太古言在開平五月見鷗鷺鴉鵲在彼七月
回大都見其南歸又靈川秋分時衆鳥自湖南又廣
西春分時又皆出廣則隨陽之鳥不特鴻鴈也 又
五日曰草木萌動即禮之所謂區萌達也屈生曰勾
芒直出曰萌萌而曰動尚未至乎甲拆也惟此一句
乃月令天地和同草木萌動之文

二月建卯曰仲春日在奎昏弧中日建星中律中夾
鍾夾鍾律長七寸四分三釐七毫三絲一曰如月如
從隨也从女从口女子從人之命也言隨正月如相
從也卯冒也萬物冒地而出象開門之形故二月爲
天門卯茂也謂陽氣生而孳茂也故曰冒卯于卯太
歲在卯曰單閼單音然盛也開塞也陽氣推萬物而
起陰氣自塞止遮壅也 驚蟄二月節正月而蟄虫
始振者至此而奮然震驚而蟄皆啓發矣 初五日
曰桃始華桃者五木之精仙木也故草木萌動之下
卯饒之曰桃始華始或曰讀作試華榮也本音華呼

瓜切木謂之華呂氏春秋作桃李華埤雅作小桃花
又曰其性早華故先百木 次五日曰倉庚鳴鷦鷯
鷦鷯黃也一名商庚一作鶯黃離黃黃鷦鷯楚雀搏
黍或呼黃離留黃栗留黃袍金衣公子其色初鰲黑
而後純黃亦應節趨時之鳥故出幽谷遷喬木而睨
睨好音爾雅黃鳥鳴而鷦生是也但今江南清明後
而鷦始生二月或太早又三月盡鷦始出谷而鳴不
知月令何早也水中黃刺魚亦名黃牙魚能變黃鷦
余親見一箇已變前一半而尾尚未蛻者 又五日
曰鷹化爲鳩鷹鷂鳥也一名題肩一名征鳥一歲曰

黃鷹二歲曰鳩鷹次赤也三歲曰鵠鷹今通謂之角
鷹頂有毛角也鳩鵠鳩鵠鷗鷗之類也九鳥曰鳩能鳩
聚陽氣又鷗鳩曰今之鷹也鷹大而鳩差小鷹鷗而
鳩差馴孟春時生育氣盛故鷹感之而化爲鳩耳且
草木蕃茂翅弱爪柔自不能搏擊如化而善也夏小
正曰仲秋鳩化爲鷹復變而之不仁故不記也因形
移易曰化其非因形移易者直曰爲言其與化又異
也古人以鳩鵠爲結鷗爲布穀引詩鷗巢鳩居爲證
則非也居鷗巢乃今之鷗鷗毛色別種與布穀絕不
相類且布穀自能營巢而不巧故名之曰拙鳩俗言

拙布穀者以此又以鳩爲鶻鶻鶻春來冬去似山
鵲而小短尾青黑色多聲或曰即鷓鴣似斑鳩小于
斑鳩者曰鳴鳩即鷓鴣鶻鶻即布穀之音轉也又以
鳴鳩即鶻鶻誤矣或亦方言之不同也但後穀雨中
曰鳴鳩者是可知其爲名非上鳴字是虛字也 春
分二月中分判也裂也半也春九日至此而前後
判裂各半而適中也陽生于子而終于午至卯而中
分陰陽相停故晝夜相停各五十刻無長短之差月
令所謂日夜分是也 初五日曰玄鳥至玄鳥燕也
其色玄也其名自呼曰𪗇亦作乙聲多稍小有漢燕

紫胸輕小者越燕胸斑黑聲大者胡燕又曰沙燕白者名天女一名鷺鳥一名鵲鵲或作意怠夏小正曰至者入入室屋也春分至秋分去亦知時鳥也 次五日曰雷乃發聲雷陰陽薄動生物者也古作𩇑从四田二回自子至卯積四陽而復雷乃發聲所以四田也陰陽回薄所以二回也乃象氣出之難亦經事之辭也發起也舒也揚也興也故曆法春夏曰發秋冬曰歛是也單出曰聲聲震激而猛疾則爲霆故霹靂者天之怒氣也 又五日曰始電電陰陽之激曜也與雷同氣發而爲光故淮南子曰雷以電爲護或

曰雷出天氣電出地氣故電从坤省殄也乍見則殄滅也夫陽微則光不見二月陽氣漸盛以擊于陰其光乃見易大壯二月之卦以雷在天上得名又曰雷電合而章故曰雷光也月令始電之下曰蟄虫咸動啓戶始出是立春之始振月初之驚蟄者至此而畢發無遺矣又素問王冰注雷乃發聲之下有芍藥榮芍藥者草制食之毒者莫良于芍藥故獨得藥之名所謂勻藥之和具而後御之草謂之榮與此不同况今芍藥四月始榮故知其僞也

三月建辰曰季春日在胃昏七星中旦牽牛中律中

姑洗一曰竊月竊本作窵从宀从丙丙位南方萬物炳然天地陰陽之門戶陽功將成陰光以起也辰震也陽氣動雷電振民農時也故曰振美于辰太歲在辰曰執徐執持守也捕囚也留也徐緩也即月令所謂生氣方盛陽氣發泄勾者畢出萌者盡達如向之執持之物至此而舒散也 清明三月節東南之風曰清明風季春之時適當方位萬物皆齊乎巽矣何潔靜而顯著乎故曰清明也在地者莫清于青水在天者莫明于日月也 初五日曰桐始華桐榮桐木也華而不實今名白桐最大可爲棺槨墨子桐棺三

寸是也故又曰櫨桐此外木之以桐名者其多其類者三種似梧而無子者曰青桐一名槻色白葉似青桐有子肥美可食者曰梧桐一名梓桐生山岡花黃紫色子可壓油者曰岡梧俗名油桐油讀作去聲惟此種稍白桐耳白桐知歲氣每年一枝生十二葉閏則十三葉故可作琴瑟也非其類者四種曰蘋桐夏花紅如火曰紫桐花如百合曰刺桐出泉州曰胡桐出鄯善浹可以汗金銀後漢書哀牢夷有梧桐木華績以爲布幅廣五尺潔白不受垢汗廣志曰梧桐有白者剡國有桐木華白毳取毳淹績織以爲布次

五日曰田鼠化爲鴛鼠穴蟲名善盜晝伏夜動也鴛
牟母也田鼠形大頭似兔尾毛青黃色好在田中食
粟豆一名鼯鼠鴛即今鷓鴣一作鷓鴣乃似鴛而小
者爾雅直以爲鴛誤矣故蔡邕曰鷓鴣是也鼠陰而
鴛陽陽氣盛故陰化爲陽也淮南子曰蝦蟆化鷓鴣性
淳不越橫草無常居而有常匹熊太古言在廣東八
月見魚化爲鷓鴣南北各不知也 又五日曰虹始見
虹踳踳也狀如蟲故从虫虹攻也純陽攻陰之氣又
曰陰氣就交于陽映日而光莊子曰陽炙陰成虹禮
疏云日照雨滴則生雙出鮮盛者雄闇者雌一名美

人蜺又名挈貳蜺說文于霓下注曰屈虹陰氣也斗
精失度則霓見態主惑于譽皆謂日不當交而交天
地之淫氣也蓋陽氣下而陰應即爲雲而雨陰氣起
而陽氣不應則爲虹也一名天弓又曰帝弓或曰有
質其首如驢故能入溪飲水吐金成金又似妖物也
王冰注田鼠化爲駕下有牡丹華牡丹花也一名百
雨金一名鼠姑廣雅謂之木牡丹唐人謂之木芍藥
此時雖當華古人不重始紀于晉而盛稱于唐亦僞
也 穀雨三月中穀續也百穀之總名也雨亦去聲
時可播種雨其穀于水亦自上而下也吳鄉風俗每

于清明後浸種穀是也 初五日曰萍始生萍水草也善滋生一夜七子無根而浮常與水平故曰萍又無定性隨風漂流故曰藻萍青藻紫楊花入水化爲浮萍一名水花一名水白今藻有麻藻異種長可指許葉相對聯綴不似萍之點點清輕也萍乃陰物靜以承陽故曝之不死惟以盆水在下承之而虛閣萍于上以曬之即枯死矣 次五日曰鳴鳩拂其羽鳴鳩鵲也此時穀雨之後故曰布穀一名撥穀雌雄追逐鳴而過擊其翅若鼓翼拍其身而直刺向上亦陽氣使之也天晴則呼其牝雨則逐之俗言喚婦逐

婦常聞其聲故曰鳴鳩其形小如斑鳩說者不詳鳴
字是名故以爲即鴈所化者真誤矣 又五日曰戴
勝降于桑戴勝織紵之鳥頭上花毛成勝時蠶生之
候若自天而降下于桑亦氣使之也一名戴鵲按相
如傳西王母皜然白首戴勝而穴處蓋勝者婦人首
飾即漢所謂華勝也今江南桑時之鳥白頭黑衣而
未嘗見其勝乃專集于桑以食葢子者其有勝者則
綠衣黃襟而不降于桑且非其時所必有也

四月建巳曰孟夏日在畢昏翼中旦婺女中律中中
呂一曰余月余舒也故語之舒曰余言萬物至此而

舒散暢茂也已巳也陽氣已出陰氣已藏萬物見成
文章故巳爲蛇象形象蛇之變化有文章也故曰巳
藏于巳太歲在巳曰大荒落荒遠也大也有也亦寬
廣之義落非凋零之謂乃居也始也萬物大盛磊落
布濩也一作芒落或曰四月正陽亦名正月皆去聲
此又人所罕知者 立夏四月節夏假也物假大乃
宣平故曰大夏楚詞收恢台之孟夏恢大也台胎也
氣大而育物也夏曰朱明一曰長贏即恢台也至此
而夏氣始建立也 初五日曰蜩蟬鳴一名蜩蛄一
名螳夏小正曰螳則鳴一名天蝼一名仙姑一名碩

鼠又曰螻蛄俗曰土狗臭蟲也或曰螻蛄蛙也非
是穴土中好夜出又好入室偷燈火以返穴俗謂之
替鬼役也雄者喜鳴善飛雌者腹大羽小不能飛食
風與土廣志曰會稽謂之蝟蛄 次五日曰蚯蚓出
蚓本作蟪其爲物不息引而後申故曰却行一名蛭
蟪一名曲蟪一名蟪蚓一名土龍善鳴于土中故又
曰歌女老者白頸俗名陽顯即古稱蚓廣東名胸肥
陰而屈者乘陽而申見也皆陰氣始而螻蛄蚯蚓應
之也蟲自有一種名臭蟲者人遂以蚓非臭蟲殊不
知此物亦臭故說文本草皆以爲臭蟲也但陸德明

鄭康成皆以爲蛙非矣

又五日曰王瓜生通志曰

王瓜曰土瓜曰瞽姑曰鉤瓢曰非莠均房間曰老鴉
瓜又曰莧瓜其根可生食類瓜故得瓜名而鄭玄以
爲菝葜誤矣圖經以爲生平野田宅及墻垣葉似栝
樓烏藥圓無了缺有毛如刺蔓生五月開黃花花下
結子如彈丸生青熟赤根似葛細而多糝又名土瓜
一名落鵝瓜今藥中所用也鄭玄以爲即草挈本草
作菝葜王冰王瓜生作赤箭生即此也蓋以其色赤
故耳所謂赤箭藥名况月令是月聚畜百藥是也俗
名瓜蒌一種小而微尖色紅但圖經以爲又名土瓜

非也土瓜自是一種如山藥土藤可生食今又一種
形微長而圓有肉如刺色白熟則漸黃亦有黃白二
種可生食自名黃瓜今俗人誤此以爲王瓜因其音
之近也又通志赤箭曰離母曰鬼督郵曰合離曰獨
搖曰定風有風不動無風自搖又獨活亦曰獨搖草
得風不搖無風自動又鬼督郵亦曰獨搖草而徐長
卿赤箭俱有鬼督郵之名而實異若以王瓜根爲可
生食即今名青木香也 小滿四月中小滿者萬物
至此而小得盈滿也有小滿而無大滿者何也蓋節
氣因時物兼人事而人事不可以大滿也非若寒暑

與雪可以兼小大也 初五日曰苦菜秀苦菜今野
苦苣菜生山田及澤中得霜脆美可茹爲菜而味苦
故名蔡邕以爲苦苣菜俗呼苦馬菜驚兒菜通志曰
茶曰選又野生禰苣人家常食曰白苣即萵苣與苦
蕒皆八月撒子漫種見老圃書故埤雅亦曰生于寒
秋經冬歷春至夏而秀也一名游冬則是禰苣不可
食即別一種說文之所謂草名也詩采苦采苦誰爲
茶苦其甘如薺故可食內則濡豚色苦是名萵苣者
也但注以爲茶即茶則誤之甚矣今韻茶云本作茶
而茶字說文亦以爲苦茶即今茶茗也鮑氏遂以爲

感火氣而苦味成殊不知茶有三四種而茶字下又曰菜名可知矣又有一種葉似苦苣而汁白花黃似菊者一曰茅秀一名英茶詩有女如茶是也況茶茗櫝設薺皆木一種五名安得謂之菜也秀出也榮也茂也美也草木之華曰秀故曰吐華曰秀若以不榮而實謂之秀而乃病之曰苦菜不實則不知秀有兩義矣王冰注作吳葵華說文葵菜也夫葵爲百菜之王唐本草注吳葵云即關河間謂之苦菜夏小正作王薺秀也次五日曰靡草死靡草名感陰氣而死柔而萎靡不勝至陽而死也呂氏春秋任地篇孟夏

之昔殺三葉而獲大麥注昔終也三葉謂薺芄莖
荇莫也董仲舒曰莖莖枯于仲夏是也 又五日曰
麥秋至麥繼絕續乏之穀秋種厚薺謂之麥麥金也
金旺而生火旺而死說文曰芒穀今大麥有芒小麥
無芒又有累麥一曰薺麥即耒麥或曰大麥又曰短
粒麥夫百穀以秋爲成熟之期惟麥夏熟故以夏爲
秋而曰麥秋至月令曰農乃登麥天子乃以薺嘗麥
先薦寢廟是也王冰作小暑至夫小暑乃六月一節
安得又入候中或即白露降木一候也復爲白露八
月節之謂與

五月建午曰仲夏日在東井昏亢中旦危中律中蕤賓一曰皐月說文皐白之進也从白从本意者白爲秋氣之色至此而陽已極陰逆生故秋欲索也或曰皐局也萬物至此而各有局限部分也午梧也五月陰氣行逆陽冒地而出也蓋陽極陰生午者正衝之地午象逆衝也故曰罍布于午太歲在午曰敦牂敦大也牂盛也萬物大盛也 芒種五月節麥穀皆爲芒種種上聲說文類也又種去聲執也布之也此時有芒之種可以布種故今人作芒種作去聲當也初五日曰螳螂生堂螂有斧蟲故曰拒斧訛曰圻父

一名螻蛄一名不蛄以其能捷飛故名天馬其子曰
蟬蛸又曰莫辨陰氣始起殺蟲應之而生故能捕蟬
而食深秋生子木間一殼百子至此時則破殼而出
可以入藥一名桑螵蛸類從曰螳螂之氣含之生火
蚯蚓之塵背洒起霧次五日曰鵙始鳴鵙一作博
勞百勞伯勞左傳名伯趙喙黑似鸛鵒而大賊害之
鳥故俗名鳳凰皐隸夏至來冬至去應陰氣之動不
能翱翔直飛而已一名鵙鵙離騷恐鵙鵙之先鳴也
百草爲之不芳蓋春分鳴則衆芳生秋分鳴則衆芳
歇也一作鵙鵙南轡之聲似之故曰鵙舌之人又名

巧婦易林曰鵲必單棲鵲必匹飛蓋惡鳥故單棲也俗曰逐瘟因其聲惡言能逐瘟氣追人魂也亦作逐瘟則感陰而鳴是蓋起于曹植惡鳥論以伯勞爲尹伯奇所化故俗惡伯勞言所鳴之家必有凶是也鵲善制蛇故曰鵲鳴在上蛇蟠不動鵲鳴在上蜩反不行夫陽氣分而倉庚鳴可蠶之候陰氣至而鵲鳴可績之候又五日曰反舌無聲反舌鳥名禮記疏曰舌鳥也以其能反復其舌隨百鳥之音故名至此感陰氣而無聲俗名泥百舌歐陽永叔詩百舌子莫道泥滑滑宮花正好愁雨來駸日方催花正發是以百

舌即泥滑滑之故今亦名之曰泥百舌也飲春水而
開口飲秋水而閉口故梅堯臣百舌詩一冬常噤默
乘春何多舌周書反舌有聲譏人在側故杜甫云過
時如發口君側有譏人蓋陰氣之應巧言之象也又
易通卦驗丹鉛餘論作蝦蟇無聲而人皆信之蓋注
疏以反舌爲蝦蟇惑之也殊不知蝦蟇蛙屬此時正
鳴而劉禹錫百舌吟云數聲不盡又飛去又云天生
羽族爾何微則蝦蟇豈有羽而能飛者况結之曰南
方朱鳥一相見索寞無言蒿下飛即所謂無聲也
夏至五月中至到也極也陽氣假大夏到此而至極

也故曰日長至陰陽爭死生分 初五日曰鹿角解
山獸屬陽角友向前一陰始生感之而角自退落余
家所畜馴鹿每歲驗之時日不爽及出時數夜即長
以盆水照之新出角少不端正則又能觸落而復換
是尤異也 次五日曰蜩始鳴蜩大蟬也或作螳楚
曰蜩宋衛曰螳鄭曰蜩秦晉曰蟬形聲大而黑紫色
曰馬蜩俗名老全全則越人蟬音也無口而旁鳴飲
而不食三十日而蛻曰蟬蛻藥名也一名枯蟬曰伏
蜻雄者能鳴雌者啞而無聲亦名螳蛄夏生者夏死
夏生者秋死故莊子曰螳蛄不知春秋惟本草以爲

蚱蜢誤矣蓋蚱蜢尖頭尾蟲也生于草中非生于楊柳上今小艇之形似之故曰蚱蜢也蜩乃蜩螗脫殼而成蜩螗即蜉蝣黑甲蟲能轉糞土爲園故又名弄丸久之羽化如尸解而去其鼻高目深者名胡蜩螗亦屬陽故夏至而鳴也 又五日曰半夏生半夏藥名白而細圓夏之半而生感乎陰也月令半夏生之下有曰木董榮故王冰從之木董櫨也櫨也花朝生暮落故名舜一名日及一名舜華

六月建未曰季夏日在柳昏火中旦奎中律中林鍾一曰且月且薦也陽氣薦進之極也又多貌詩遯且

有且是也亦謂陽衆多也未味也五行木老于未象
水重枝葉也故曰昧蓐于未太歲在未曰協洽言陰
欲化物而陽氣漸和合也 小暑六月節暑熱也月
初暑氣猶小也 初五日曰溫風至溫燁也暖也南
方火溫熱之風至也 次五日曰蟋蟀居壁悉蟀蓋
也一日蟋蟀又名蜻蛚似蝗而小正黑有光澤如漆
有角翅即今趣織俗作促織生野中羽翼漸成而居
穴之壁壁垣也漸寒則自宇而漸入于牀下矣一種
二尾能關一種三尾不能關俗名油葫蘆乃如蟋蟀
者詩義問曰悉率食蠅而化語曰趣織鳴嬾婦驚蓋

催寒之蛰也

又五日曰鷹始擊擊本作驚或作驚

搏擊也禮注䟽獸擊从執从手鳥驚从執从鳥是也

氣未肅殺故鷹始搏擊以迎金氣故月令作鷹集蚤

鷩記又作鷹乃學習盖可見矣大暑六月中熱至

此而大也初五日曰腐草爲螢即螢火蟲夜飛腹

下如火故曰即照又名炤燐一名挾火一名據火一

名夜光宵燭一名丹良丹鳥朽爛之草所化陽明之

極則幽陰之物亦感之而化無情而生有情也明堂

月令作腐草爲蠋爾雅曰熒火即照是熒即螢也說

文蠋明也是矣又曰蠋馬蠋从虫益聲象形則又

似詩所謂熠燿宵行者是名宵行虫形如蠶夜行地上
上疾下有光古今注辨之曰熠燿非螢生卑濕處尾
後帶火古人因其有光或亦卑濕腐草所化故誤以
螢爲蠅耳愚謂螢草螢也盖有二種淮南子作蜎者
水螢也唐子卿有賦曰水螢有虫惟虫能天彼何爲
而化草此何事而居泉腹可自持故無取于蟹足能
自運亦何憐于炫色動波間狀珠還于合浦影懸潭
下若星聚于潁川故知此爲水螢也 次五日曰土
潤溽暑濕熱也土氣濕潤而暑氣鬱蒸也 又五日
曰大雨時行土氣成暑暑極成雨大雨及時而行所

以退暑而迎秋也或曰皆泉井之所主也

留青日札十三卷終

留青日札卷之十四

錢塘田藝蘅子執撰

倩徐懋升玄舉校

六明大統曆解

七月建申曰孟秋日在翼昏建星中旦畢中律中夷則一日相月相助也導也儼也周禮出接賓曰儼人詔禮曰相言秋之迎夏相扶助導引而成物也申神也陰氣成自申束从白自持也又曰身也萬物身體皆成就也故曰申堅于申太歲在申曰涖灘涖大也灘水濡而乾也言萬物收斂而乾實也或以灘爲修

也而云修長 立秋七月節秋摯也物摯歛乃成熟
故禾熟曰秋一曰白藏一曰素商秋爲矩少昊乘兌
執矩司秋是也秋至此而建立也 初五日曰涼風
至涼薄寒也西南方風曰涼風至此而淒清之氣至
焉故六月之風曰溫而七月之風曰涼陰之代陽也
周禮所謂火見而清風戒寒也禮記作盲風至目無
眸子曰盲亦摯歛之意也 次五日曰白露降露陰
之液和氣潤澤津凝爲露也白西方秋金之色天之
陰氣成液下降爲白露而潤物也 又五日曰寒蟬
鳴蟬小如蜩今名枝蟬言在樹枝上鳴其音嘹繞可

聽也即啞蟬初瘖及得寒露冷風乃鳴故芻蕘論云
秋風至而寒蟬吟俗作蚍蜉非也形小而青綠色聲
接續而急疾所謂寒蟬鳴夕者此也多爲水中黑殼
蟲所化俗名蝦蟇蟲乃蜻蜓以尾點水生子水草上
而青鮪魚食之腹脹孕蟲噬破母腹而出身似蟬而
小及蛻乃爲蟬也亦屬陰感秋而鳴者有蜩先鳴故
此不復言始也寒蟬爾雅曰寒蟬是名即鳴鳩之謂
也處暑七月中處止也息也暑熱至此而止息
初五日曰鷹乃祭鳥二月而化爲鳩者至六月而始
摯今則感金氣之肅殺而乃搏摯飛鳥矣然必先祭

而後食者亦猶鰓之報本也或以爲有胎之禽則不
擊故曰義鳥今則不然雖當春亦殺雛而食之未見
其義也月令天子法此故于其下文曰戮有罪征不
義一作始行戮亦論其常耳 次五日曰天地始肅
秋氣清而陰陽始振肅也故下文曰不可以齷 又
五日曰禾乃登禾嘉穀之總名登升成也禾至此而
乃熟也故曰農乃登穀

八月建酉曰仲秋日在角昏牽牛中旦觜觿中律中
南呂一曰壯月壯大也健也故易二月之卦曰大壯
注威盛強猛之名是也今八月亦爲壯月者豈二月

爲春之盛八月爲秋之盛故與或曰壯傷也故郭璞以淮呼壯爲傷今此名出自淮南鴻烈篇而又皆無所解故余釋之如此酉就也季秋可爲酎酒成熟也故曰留熟于酉亦曰飽也老也古文作𠂔𠂔爲春門萬物已出酉爲秋門萬物已入故一邪閉門象也太歲在酉曰作噩作起也爲也生也噩嚴肅貌言萬物皆作起而嚴肅也天文志作諮亦作𦉳𦉳鄂音義同或即以噩爲零落則非也白露八月節前七月次五日旣曰白露降矣而此復以爲節者秋金色白陰氣漸重露茫茫而白也其下文又曰盲風至盲風疾

風也盲者閉暗之稱當建酉闔戶之月故其風謂之
盲風又謂之闔闔風 初五日曰鴻鴈來大曰鴻小
曰鴈正月之候鴈北歸沙漠者至此而復自北而來
南矣言北而不言南者自中國言故曰來也淮南子
作候鴈來說文以鴻爲鴻鵠則誤矣鵠黃鵠大水鳥
也又曰白鵠詩疏羽毛純白似鶴而大肉美如鴈是
也又小鳥曰鵠鵠射取其難中皆非鴈類又鴈有鴨
鵠倉鴨之名 次五日曰玄鳥歸春分而燕至者今
則自南而北矣說者皆以燕爲北方之鳥也殊不知
其來也言至而未嘗言南其去也言歸而未嘗言北

非若鴈之明言北者故今江南山谷中土人掘石穴
往往見蟄燕成窟蓋畏寒而服藏土窟耳或曰燕蟄
于水底非皆歸北也豈所謂胡燕歸北越燕歸南而
漢燕留漢也與 又五日曰羣鳥養羞養供也羞食
也衆鳥藏食以自育將以備冬也所謂命有司趣民
收歛務畜菜者以此可以人而不如鳥乎 秋分八
月中秋至此而平半故亦曰日夜分也 初五日曰
雷始收聲春分而雷乃發聲者至此而收聲若歛聚
其聲于地中陰收捕陽而萬物隨氣以入故易地中
有雷曰復雷藏澤中曰隨也 次五日曰蟄蟲壞戶

器未燒者坏鎔物之始也居內半門曰戶 立春而
蟄蟲始振者至此而入土復培益其戶使之漸小可
以通明出入尚未至于寒而塗墻也故下文曰殺氣
浸盛陽氣日衰蓋蟲畏寒而自避也 又五日曰水
始涸立春東風解凍之水正月中之雨水大暑大雨
時行之水至此而乾渴非真乾渴也水固曰涸若消
歛而不復滿盈故曰始涸蓋春夏氣至而水生秋冬
氣返而水降也今或連年八九月之後大雨橫行
洪水汎濫可謂不時而不涸矣調燮何居

九月建戌曰季秋日在房昏虛中旦柳中律中無射

一曰玄月玄黑赤色微也幽遠也象幽而入覆之也
九月之天色似之且陽微而幽深萬物入覆也一曰
暮商戌滅也陽氣微萬物畢成陽下入地戌合一也
五行土生于戌盛于戌故曰畢入于戌太歲在戌曰
闔茂闔閉也茂草木盛也言閉藏萬物之盛也故一
作掩茂或以茂爲冒是冒即闔也非是 寒露九月
節露在七八月而白者至此則寒冷而將凝矣 初
五日曰鴻鴈來賓白露節鴈先來者爲主此時來者
皆後至矣故爲賓通書作來賓以爲水際蓋賓賓之
誤也先至者豈獨不來水際乎 次五日曰雀入大

水爲蛤雀依人小鳥也故名家賓今日麻雀通作爵
故月令作爵入大水蛤蚌屬曰蜃非也秦人謂之牡
厲說文曰燕所化又魁蛤一名復累曰老服翼所化
即用此理也惟此雀乃黃雀也蛤乃白蛤也大水乃
海也國語云雀入大海爲蛤舊云風寒氣肅入海而
變蓋黃雀自海外而來初時輕細後食中國稻粱肥
重飛不能越海故多沈溺而變蛤也其油一點成一
蛤大小因之廣東惠州志海中黃雀魚八月化爲黃
雀十月後入海復化爲魚古今注雀入水不則多淫
洑蓋雀交不一鳥之最淫洑者也 又五日曰菊有

黃花菊治牆也一名日精本草菊華一名節華注有
兩種一莖紫氣香味甘可羹一莖青作蒿艾氣味苦
名苦薏本作鞠通作鞠月令从鞠黃中央土色土盛
于戊故菊之黃華應其時也故桃桐之花不言色而
菊獨言黃又菊有紅白紫黑數十種而獨重其黃貴
中色也故易之坤土旺之極亦取象曰黃裳蓋可知
矣 霜降九月中露早霜也露者霜之始白者寒寒
者結而爲霜矣霜喪也成物者其氣慘毒物皆喪也
霜露皆陰陽之氣陰氣勝則露凝而爲霜易之坤曰
履霜堅冰至所以爲陰凝也周語曰駟見而隕霜隕

降也

初五日曰豺乃祭獸月令作豺乃祭獸戮禽

豺狼屬狗聲長尾白頰色黃體細瘦故謂之豺棘以獸祭天亦如鷹之報本也其祭方鋪金象也必祭而後食是春夏之時豺當餓死矣蓋食獸者其常而至

此乃一祭以更始也獺鷹皆然此亦古人所未道者

也次五日曰草木黃落霜後枝葉皆黃而凋落也

故下文曰乃伐薪爲炭又五日曰蟄蟲咸俯秋分

之蟄蟲坏戶者至此寒凜皆垂其首而不食故下文

曰咸俯在內皆墜其戶也淮南子曰太陰所建蟄蟲

百穴而處鵲巢回而爲戶王冰此下有曰景天華

十月建亥曰孟冬日在尾皆危中旦七星中律中應鍾一曰陽月老陰之極將復爲陽喜之也太初又曰畢月畢終也陰盡而陽復來也左傳曰良月良善也重盈數也亦曰暢月暢克也言萬物充實也一曰上冬言爲冬之始也一曰小春言日暖如春也亥蓂也有微陽起接盛陰萬物之蓂皆動也盛陰感陽物皆含育于內衆人之懷妊也故曰該闕于亥太歲在亥曰太淵獻淵深也獻進也萬物大小深藏以迎陽也或以大淵獻爲困敦夫歲在子曰困敦此誤易之立冬十月節冬終也藏也物終藏乃可稱冬曰元英

陰極而冬始建立也 初五日曰水始冰冰久凍也
本作久象水凝之形而冬亦作冬从古文字也結陰
成冰積冰曰凌冰壯曰凍冰流曰澌冰解曰泮冰始
凝而至乎壯也 次五日曰地始凍寒而土氣凝結
冰漸壯故地凍而未至于坼也 又五日曰雉入大
水爲蜃雉鳥名即山雞有十四種盧諸喬一作鷓鴣鳴
鷺秩海翟山鷺卓翬搖一作鷓鴣鷓鴣鷓鴣爾雅曰鷓
雉鷓雉鷓雉鷓秩雉海雉鷓雉山雉雉鷓雉鷓雉漢
曰野雉禮曰䟽趾五采成章故曰華蟲也蜃蛟屬世
言雉與地交而禮記注謂雉由于地化故以雉子爲

蜃埤雅亦曰似蛇而大腰下盡逆鱗即螭類也而淮南子玉篇諸家皆以蜃爲大蛤亦曰蚌屬本草大蛤曰車螯一名蜃又曰車輪海島吐氣成樓臺與蛟龍同是又爲蛤類矣當從禮注爲是或曰大水准也晉語曰雉入于淮爲蜃丹鳥驚雉也以立秋來立冬去故司開或即雉入大水爲蜃也蛇求于龜則爲龜求于雉則爲蜃一曰蜃狀似螭有耳有角背鬣紅色獨鷹田鼠曰化爲鳩鴛而腐草雀雉止言爲而不言化者何也蓋改其舊質謂之變馴致于善謂之化因形而易謂之變離形而易謂之化書大宗伯合天地之

化注能生非類曰化鷹化爲鳩身在而心化也鼠化爲鴛雀雉化爲蛤蜊皆據身亦化故能生非類按此則鷹不離形雀雉亦當爲化矣豈月令之省文邪余意鷹鼠皆有害于物故曰化所謂馴致于善也若夫因形離形之說則前論備之矣變化序曰鵠之爲猿蛇之爲鼈孔雀雖有雌雄將乳之時登木哀鳴蛇即與交而雉亦與蛇交晉武庫中蛇化雉 小雪十月中雪凝雨說物者也綏也水下遇寒而凝綏綏然下也天地積陰溫則爲雨寒則爲雪五穀之精也寒未盛故雪猶小也 初五日曰虹藏不見三月虹始見

者至此則隱伏而不見陰陽不交故似藏之也文子
曰至治之世虹霓不見夫婦過禮則虹氣盛次五
日日天氣上升地氣下降又五日曰閉塞而成冬
天地交則通而爲泰不交則閉塞而爲否故月令曰
天地不通此四時之所以終而成冬也

十一月建子曰仲冬日在斗昏東壁中旦軫中律中
黃鍾一曰辜月辜辜也有自新之義十一月一陽復
生故萬物將自新也月令亦作暢月子併足爲併者
在襁褓也孳也孳孳無已也夜半陽氣起人承陽萬
物滋因以名辰故曰孳萌于子太歲在子曰困敦困

故廬也从木在口中舊所居廬木久而因弊也故又
曰窮也極也敦去聲堅也大也丘一成爲敦丘言陽
氣困弊之極而漸高大或誤以此爲大淵獻是月也
日短至陰陽爭諸生蕩蕩動也 大雪十一月節寒
盛故雪大也 初五日曰鵙鵙不鳴鵙似雉黃黑色
故名曰褐性勇猛善鬪終無負期于必死一死乃止
漢書作鵙雞一作鵙漢書鵙雀注音芬或曰本作鵙
假借作鵙又云大而色青則鵙自是一種鳥非鵙也
此皆鵙字之義並不言鵙鵙至于鳴則曰渴鵙一作
鵙鵙曷旦渴旦詩作盍旦鵙曷皆音渴鵙旦同似鷄

晝夜常鳴求旦之鳥故詩曰相彼鴉鳴尚或惡之鳴
急旦也十月之時夜甚短鳴鳴求旦故人惡之今冬
至將來一陽復生故不鳴蓋鴉鳴本陽鳥感陽而聲
默又名側挂則其好陽可知矣恐卽今嶺南之倒挂
鳥遇寒極而鳴郭璞亦云似鷄冬無毛晝夜鳴卽寒
號蟲淮南子陳皓方氏亦然信無疑矣不然則鷓鴣本
勇雉漢書魏賦並不言其鳴否唐詩暗蟲啼渴旦涼
葉墜相思卽此相思子乃今之紅豆也 次五日曰
虎始交虎山獸之君感微陽之氣故雌雄始交合也
諺云虎交一世 又五日曰荔挺出荔草名似蒲而

小根可爲畝本草馬蘭江東呼旱蒲多植于階庭槎
一枝也獨也槎然勁直之貌故荔槎可以爲畝傳亮
冬至詩柔荔迎時萼是也一名蠡實或曰即馬薤也
陳皓不識以爲香草蓋香草乃薜荔或又以薜荔爲
狀如烏韭韭也薜荔自是昔邪垣衣之類俗名鬼饅
頭舊名木饅頭如果之名荔文非荔之本名也月令
鵽鳴不鳴之上有曰冰益壯地始坼于十月水始冰
地始凍之文尤相發明此上有芸始生芸香草可以
辟蠹 冬至十一月中孝經說曰至有二義一陰極
之至二陽氣始至三日行南至故曰冬至至日夜半

子時之半而一陽生葭灰起日景極長陰陽日月萬物之始也周正建子爲正月人統也 初五日曰蚯蚓結立夏而出者至此寒極而交結如繩矣蚯蚓亦曰鳴砌結者穴居首陽下向陽動則穴而上首故其身結而屈也 次五日曰麋鹿解麋形大如鹿澤獸也屬陰角支向後一陽始生感之而角自退落如夏至之鹿角解也麋四目其二夜目日下有竅夜卽能視故淮南子曰孕婦見麋而子四目也角重者二十餘斤自生至堅無兩月之久頗長也陸佃曰麋陽獸角始生而後護耳陽獸何以遇陽而解非也 又五

日曰水泉動天一生水水原曰泉秋分而水涸立冬而冰至此一陽動于九地之下而水泉亦動于九淵之下矣但萌動而未流也

十二月建丑曰季冬日在婺女昏婁中旦氏中律中大呂一曰涂月涂路也旅墀也九軌曰涂通達之道二陽漸長萬物亨通也古無塗字俗作途丑紐也萬物動用事象手舉有所執也故曰紐牙于丑又昧爽爲丑人皆起有爲也太歲在丑曰赤奮若赤陽色易乾爲大赤是也奮揚也奮在田上鼓翅輕疾也若順也亦豫及之辭言陽氣奮發而萬物無不順其性也

小寒十二月節寒尚小也

初五日曰鴈北鄉鄉去

聲面也禮依南鄉書席南鄉易嚮明通作向白露而

鴻鴈來寒露而鴻鴈來賓者至此將避熱而歸漸向

北而飛及立春之後則盡北矣

次五日曰鵲始巢

鵲本作烏又作誰在木上曰巢鵲知太歲所在作巢

背太歲向太乙巢取木杪枝不取墮地故一名乾鵲

古云乾鵲知風是也又冬至架巢至春乃成吳人占

巢卜水旱高則水低則旱也生子後則鸛鵒奪而居

之所謂誰鵲有巢惟鵒居之諺云喜鵲銜得生血出

八哥得箇兒成巢是也鸛鵒俗名八哥鵲鳴則有吉

慶來故名喜鵲諺云喜鵲叫好事到是也又曰見鵲
上梁者必貴出埤雅 又五日日雉雉說文雉雉鳴而
也文明之禽感陽氣而有聲故又曰雷始動雉鳴而
雉其頸雷在地中雉性精剛獨知之應而鳴也埤雅
作雉始雉師曠曰雉交不再故紀之 大寒十二月
中寒威至此而極大矣 初五日日雞乳雞知時畜
稽也能考時也生于日乳感陽氣而生育也今四時
皆生此其正候耳埤雅作雞始乳此下有款冬華款
冬花生于水底董仲舒曰款冬華于嚴霜是也 次
五日曰征鴈鴈疾鴈曰征鳥凡雕隼鷗鷯能征伐禽

獸者通名之也埤雅作鷩鳥殺戮不辜曰厲病惡來
急曰疾至此而剛猛迅速陽漸長至于四則將化而
馴也 又五日曰水澤腹堅下有水鍾曰澤腹厚也
身中也堅固也剛也立冬而水始冰大雪而冰益壯
至此則自薄而厚自厚而固水澤之腹皆結實所謂
連底凍也故月令又曰冰方盛水澤腹堅命取冰以
入凌人之職也

按秦相呂不韋集儒士使著所聞爲十二月紀名
曰呂氏春秋每篇首皆有月令今禮記所載卽其
文也宋黃東發論之詳矣蓋月令固非盡述二代

之制亦非立爲秦人一代之制呂不韋姑集衆聞而天時行事若可垂訓記禮者又從而取之顧多呂氏本文爲是而禮記傳寫差訛爲非如候鴈北誤作鴻鴈來溽暑誤作辱暑蟄虫咸俯在穴皆墮其戶誤以穴爲內諸家曲爲之說而不敢以呂氏證之若夫王瓜生作王善生溫風至作涼風至雉雊雞乳分二候而作乳雉雊則又呂氏之誤而當從月令者也學禮者正之可也

留青日札卷之十五

錢塘田藝衡子稅撰

倩徐懋升玄舉校

丁

丁當也值也萬物盛于丙成于丁其形中正象心也
今人年二十爲成丁古者四十歲曰丁蓋大壽以百
歲爲期一千十年故丁在四十彊仕之時蘇武丁年
奉使是也漢景天下男子年二十而始傅晉武令男
子年十六以上至六十爲正丁十五以下至十三六
十以上至六十五爲次丁十二以下六十六以上爲

老小不事宋孝武以十五至十六爲半丁十七爲全
丁隋二十一成丁煬帝二十二成丁唐男女始生爲
黃四歲爲小十六爲中二十一爲丁六十爲老我
朝法人年四歲即附籍十五以下曰不成丁無差役
十六以上曰成丁始有差役七十以上及廢疾得免
差役

六尺之孤

六尺之孤周禮國中七尺野外六尺皆不從征六尺
年十五七尺年三十夫自十五至三十方作七尺又
韓詩外傳國中二十行役則七尺者二十也其升降

皆五年則六尺者十五也孟子五尺之童乃十歲也
漢老弱未傳者悉詣軍

孟康曰古者二十而傳三年耕有一年之儲故二十
三而後役之如淳曰律年二十三傳之疇官各從其
父疇學之高不滿六尺二寸以下爲罷癯蓋漢儀注
民年二十三爲正年五十六衰老乃得免爲庶民就
田里今未二十三爲弱過五十六爲老皆發之著名
籍給公家徭役也景帝二年令天下男子年二十始
傳

豚犬

人呼已子曰犬子又曰豚兒謂賤之也漢司馬相如少時好讀書學擊劍名犬子師古曰父母愛之不欲稱斥故爲此名也王脩名狗子頽之推曰北土名兒爲駒爲豚然古者名子不以畜牲以其廢祀也而周公名子曰禽孔子以鯉魏公子楚太子皆名蟣虱至於展禽解狐司馬牛之類比比皆然則又烏在其爲不以畜牲而重名也又呼兄弟之子爲猶子言猶已之子也古稱隴西人呼犬子爲猶子是猶子即犬子也况猶亦獸名故从犬又總名之曰豚犬若劉景升直豚犬耳越語范蠡欲速報吳使國民衆多令國人

女子十七不嫁丈夫三十不娶皆罪父母生丈夫與酒三壺夫一生女子與酒一壺豚一所謂豚犬蓋幼幼之事也又南史皇太子齊武帝時小史易名犬子梁武丁貴嬪生廬陵威王武帝謂其父道遷曰賢女復育一男答曰莫道豚狗子世人以爲笑

寶寶保保

今人愛惜其子每呼之曰寶寶蓋言愛惜如珍寶也亦作保保或作阿保人則以爲保抱護恤之意殊不知保保者元人尊重之稱如曰丞相王保保又元史勇士洪寶寶我朝曹國公李文忠亦稱李保保見草

木子

周歲周年

今小兒生日周歲死者曰周年吉凶之稱未嘗混也
所謂推步起戌故以歲爲始也周年即基年唐明皇
諱隆基故改爲周年一作祺匝四時也

鹽口馬丁

今百姓計口而納鹽糧國制頒民以鹽乃收其鈔國
初沈留公差自杭赴京奏杭州市民不務生理專服
美麗衣服出入公門結交官吏說事過錢壞法害民
太祖曰浙江等處及直隸府州市民着他見丁出錢

買馬往北地當驛站至今爲丁田馬丁云

養老

有虞氏以燕禮 夏后氏以饗禮 殷人以食禮

周人兼用之 有虞氏深衣而養老 夏后氏燕衣

而養老 殷人緇衣而養老 周人玄衣而養老

有虞氏養國老于上庠庶老于下庠 夏后氏養國

老于東序庶老于西序 殷人養國老于右學庶老

于左學 周人養國老于東膠庶老于虞庠即西膠

五十曰艾 髮蒼白色如艾也又歷也長者多更歷也 異粢 養于鄉

不從力政 而爵始衰 杖于家

漢高帝舉民五十以上有行能爲鄉三老升縣三老
勿繇戍以十月賜酒肉

魏文帝舉民望五十以上守素衡門者授令長

六十曰耆稽父而將入于老也周禮八十曰耆不從
力役指事使人也又音義云至也至老境也則六十
曰耆爲是 宿肉 養于國 不與服戎 不親學
非肉不飽 杖于鄉 歲制

隋文帝六十爲老乃免丁役

七十曰悼憐愛也 貳膳 養于學達于諸侯 不俟朝

不與賓客之事 致政唯衰麻爲喪 非帛不暖

子國 七十曰老 時制 又曰古希古所少也

八十曰耄 至老 常珍 月告存 齊喪之事弗及

挾于朝 月制 拜君命一坐再至 非人不暖杜

子美詩暖老須燕玉謂燕趙美婦人如玉也

漢八十者二筭不事 注免二口之筭賦也 漢文帝賜米酒肉

唐太宗八十以上粟二斛 悼與耄雖有罪不加刑

九十曰耄 昏 飲食不離寢膳飲從于遊 日有秩使

人受 君命 雖人不暖 天子欲有問則就其室以

珍從 日脩惟絞給衾冒死而后制

漢九十者一子不事 注謂其賦受 漢文帝賜帛絮

帝有受鬻法給米粟爲糜爲復子若孫令得身率
妻妾遂其供養之事 唐太宗九十以上粟三斛
百歲日期願人生以百年爲期願養也又與基同
唐太宗粟三斛加絹二疋加版授又侍五人

洪武十九年六月詔天下行養老之政凡耆老年八
十以上鄉黨稱善貧無產業者月給米五斗肉五斤
酒三斗九十以上歲加賜帛一疋絮一斤若有田產
足以自贍者止給酒肉絮帛其應天鳳陽二府富民
年八十以上賜爵社士九十以上賜爵鄉士天下富
民年八十以上賜爵里士九十以上賜爵社士咸許

冠帶與縣官平禮免雜泛差徭正官歲一存問給賜之物本州縣委敦篤生員按月詣門禮送毋得給與陳粟著爲令上復謂禮部試尚書李原名曰尚齒所以教敬事長所以教順虞夏商周莫不以齒爲尚而養老之禮未嘗廢是以人興于孝第風俗淳厚治道隆平曩者詔天下行養老之政尚慮有司奉行不至爾其以朕命申之十九年七月詔舉經明行脩練達時務之士年七十以下者郡縣禮送京師太祖諭禮部郎中鄭居貞曰古之老者雖不任以政至于咨詢謀謨則老者閱歷多而聞見廣達于人情周子物理

有可資者居貞對曰人至六十精力衰耗則不能勝
事請六十以上者不遣太祖曰政爲比來有司不體
朕意士有耆年便置不問豈知老成古人所重文王
用呂尚而興穆公不聽蹇叔而敗伏生雖老猶足傳
經豈可槩以耄而弃之也若年六十以上七十以下
者當置翰林以備顧問四十以上六十以下者則于
六部及布政司按察司用之洪武詔賜京師民七十
以上天下民八十以上爵里士京師民八十以上天
下民九十以上爵鄉士名稱甚奇孟子友一鄉之善
士一國之善士天下之善士春秋豫讓國士漢韓信

國士戰國魯仲連天下士里士鄉士皆有所本也
宣德二年二月詔民年八十以上每名給絹一疋綿
布一疋綿一斤肉十斤酒一斗米一石錢塘縣民人
潘士廉等四十名皆如數給賜

十九世同居

三世同居蔡邕 後漢樊重

四世同居隋劉君良 唐高安崔耶宋縑鄧文瑞

三從同居牛敬則

五世同居奉新陰幼述 晉桑虞字子桑 桐廬戴

元益 王履謙

六世同居建昌洪文撫

七世同居太原郭雋

溫州趙友

杭州俞舉慶

八世同居宋曹州劉懷

潞州邢濬

九世同居唐張公藝

十世同居宋解州董孝章

十一世同居銅陵阮鍾儔

十八世同居唐德安陳克

十九世同居會稽裘承詢大中祥符四年旌表門閭

其後二三百餘年猶號義門真難事也我朝惟金華

浦江鄭氏家法過之見宋景濂義門記豈非聖世之

人瑞哉

老戒

五十不造宅六十不製衣今有八九十歲而勤渠貪
憚無止者真馬牛也余子幼造宅之戒身親犯之

龍鍾

今人年老行動不便曰龍鍾自來多不解其意余以
爲鍾聚也故說文曰如天之鍾美是也蓋言龍至于
老則蟠聚而不能奮飛故以之稱老年翁也如鮐背
之類也李濟翁以爲鍾即涔者謬矣

尚父 仲父 亞父 仲兄

周太公曰師尚父劉向曰師之尚之父之 又曹操
吳越王錢鏐 宦官李輔國漢唐皆稱尚父 又士
人稱輔國曰五父猶今之顯宦稱賊臣嚴嵩爲乾爺
者不下三五十人 又周宣王子尚父 齊管仲秦
呂不韋皆曰仲父 蜀廣漢太守夏竦請高士秦密
爲師友祭酒號仲父 魏道武稱奚牧曰仲兄 又
項羽稱范增曰亞父 假父見秦史 又唐張全義

公

禮志曰古人相呼曰公而宋顏延之怒人呼公 鉅
公天子 上公 宰公 相公 國公 明公 府

公見史書 丞公韓子稱縣丞 大公酒工又柁工

門子

卿之適子曰門子言將代父當門者也正室皆謂之門子鄭玄云正室適子也今以門子而加于官府隸役之身獨何與又家有長子曰家督春秋戰國時大夫之家嫡亦稱太子見孟孫智伯趙襄子等傳禮卿大夫之支子爲側室賈誼非有次室之執

大漢

我朝直殿將軍專選人材長大者故曰大漢南方人少餘杭吳某正德間曾選中在元名鎮殿將軍亦

曰大漢今許將軍老而退直在寒族長不過九尺

長人

河圖龍文曰龍伯國人長三十丈以東大秦國人長
十丈又東十萬里佻人國長三丈五尺又東十萬里
中秦國人長一丈天之東南西北極各有銅頭鐵額
兵長三千萬丈又有金剛敢死力士長三千萬丈天
中太平之都有都甲食鬼鐵面兵長三千萬丈神異
經西南大荒中人長一丈腹圍九尺一名無不達西
北海外人長二千里兩脚中間相去一千里腹圍一
千五百里名曰無路之人東南隅大荒中有林父高

千里腹圍百輔崔鴻前秦錄曰苻堅以乞活夏默爲左鎮郎胡人護磨那爲右鎮郎奄人申香爲拂蓋郎各身長一丈八尺並多力善射每食飯一石肉三十斤苻健皇始四年長人見新平長五丈河流大覆一隻長七尺三寸指長尺餘魏咸熙大人見襄武長二丈腳跡三尺二寸宋南渡武林兄妹二人各長一丈二尺隆慶三年寧國人施六來投軍門長一丈六寸是年又高郵衛指揮僉事陳律腰六十圍腹垂幾至于膝重三百八十斤惜不甚長耳

朱儒

我君小子朱儒是使國人謂襄公曰小子謂臧紇曰
朱儒蓋武仲短小故也與侏儒同後漢書朱儒國在
東海女王國南四千里人長三四尺拾遺記負嶠山
有陀移國人長三尺廣延國人長二尺杭城此種人
甚衆其所生子則又皆長也

淨人

郭璞讚淨人小人也音淨柳子厚詩淨人長九寸漢
武東郡送人長七寸名曰巨靈東方朔神異經西海
外鶴國人長七寸西北荒中小人長一寸光武時潁
川人張仲師長二寸又見陶九成所紀人腊事此種

往往有之矣嘉靖三十四年衢州商人胡秀號碧泉
在餘杭新街頭楊一松家寓下攜一小人至長可一
尺眉目鬚髮種種皆備乃男子也約年五十餘歲云
至海東大洋中泊岸時忽風浪中得此同輩男女一
十七人衆商救之各分其一乃以朱紅烏籠盛之承
以木板以米水食之口中但聞作唧唧聲不知所言
何事見人亦不驚懼能周旋其間倦則睡息此即坤
人國人也務光黃帝時人皇甫謐云其長七寸

蓮人

蓮七禾切今作矧與短矮同从矢方言曰紫矧短也

蓬脰見文選又唐書王伾傳形容蓬陋

笨人

今言人之不鯁溜者曰笨音奔去聲从竹从本故粗率也晉書豫章太守史疇肥大時人目爲笨伯宋書王微粗笨朱子不學誤以孔明爲盆

儻儻人

李太白送魏萬詩五月造我語知非儻儻人今人或作𡗗𡗗說文𡗗馬行佗也韻會病也癡也音呆海篇作儻吳儂相戲謂曰𡗗廣韻字也至于戲罵人曰𡗗𡗗阿𡗗言死人也回回俗老人舍身蜜浸而死百年

後得之可爲藥故曰蜜人番言木乃伊是也

骨懂

今賣雜玩寶貨肆曰骨董鋪仇池筆記陸道士詩投
醪骨董羹鍋內掘窖盤游飯盆中蓋羅浮穎老取飲
食雜烹之名曰骨董羹則骨董之義可知矣又稱人
之出身好者曰骨董想亦此意而唐天寶初玄宗游
華清宮有劉朝霞者獻駕幸溫泉賦有曰骨董雖短
伎藝能長則又當爲骨懂矣夫懂乃懵懂字心亂也
豈方言然與

執古執方頭

今人謂不通時宜者爲執古謂不圓活轉變者爲執方頭執古見唐盧仝詩云莫執古方頭見陸魯望詩云方頭不會王門事

惡客

黃庭堅以不飲酒者爲惡客故云破卯扶頭把一杯燈前風味喚仍回高陽社裏如相訪不用閒攜惡客來元次山以非酒徒郎爲惡客故曰將船何處去送客小回南有時逢惡客還家亦少酣二公以惡客之名贈此輩極佳予以爲不能詩者亦當名之曰惡客蓋皆敗人清興故也

忙人

忙从心从亡忘亦从心从亡但有傍正之不同耳如
慚之與慙愴之與愴懈之與懈懈之與懈可以通用
者大不相同矣猶忡之不可以爲忠怡之不可以爲
怠怙之不可以爲意也意者人心健忘則忙矣列子
宋有病忘者家語魯有大忘者孔子謂顏淵曰吾與
汝忘是皆心安而善忘者若有心而偏則甚忙矣

閒人

閒之爲義或曰月到門庭方是閒也古皆从日與閒
同其音稍異耳閒亦人之所難得者杜牧之有云不

是閒人閒不得願爲閒客此閒行吳興因建得閒亭
余性極愛閒而閒中不能靜處尋詩問酒灌卉調禽
實無暇時因憶韓致堯有云書牆暗記移花日洗
堯先知醞酒期須信閒人有忙事早來衝雨覓漁師玉
山樵人可謂同調矣

聖人昏仕非禮

禮三十而昏文王十五而生武王孔子二十而生
鯉四十強仕堯十三而佐封植禹十二而爲司空何也
老人閉房開房

男子六十而閉房以輔衰也重性命也七十大衰寢

非人不暖故復開房余謂古人所稟純厚而又三十始婚故可以至六十而後寡慾若今人則所稟既已漓薄而又未弱冠而遽有室則當五十而閉房可也如不能飲者酒家有進戶法謂以酒漸漸誘之以開其量余嘗謂惟壯者可以強之使進若年老而血氣漸衰則力不足以勝杯酌亦當以漸而減名之曰退戶法亦所以重性命也詩人所云衰顏惜酒紅又非復開其戶之謂邪

大老

大老見孟子 宋江州民呼公曰大老見侯鯖錄

元老詩 二老伯夷太公今杭婦稱貼夫曰二老

三漢老 峽中船人曰長年三老 四老漢四皓

五老舜臣五星精 又睢陽 八老淮南八公也

九老香山 又至道 天老杜甫稱宰相 閣老唐

書楊綰傳 堂老 廷老皆宰相見史則今在殿中

者可稱殿老 翰林院都察院之類可稱曰院老古

今但稱院長 詹事府順天府之類當曰府老 大

理寺之類曰寺老則爲和尚矣可發一笑 國老見

史 宰老即家長見禮 宗老 家老 鄉老周官

里老 耆老 房老妻安長年者 嘉靖末年風俗

忽變士大夫至于小民莫不相稱曰翁曰老諺云官無尊卑皆曰一老人無大小皆曰一翁此人孽也

不備人

月令先雷三日以木鐸循道令兆姓曰雷將發聲有不戒其容止者生子不備必有凶災玄女房中經雷電之子必病顛狂又社日妊者生而白頭犯天譴也

生異類

虎之生豹鸛之生鶴鶻之生鷓鴣之生鷓鴣馬之生驢騾猶可謂之同類未甚相遠也至于鷗之生犬生蛇羊之生猪甚于羊狗與猪之生人豈莊子所論程生

馬馬生人之謂邪兵部洪尚書公在四川報一民婦產卵四五十枚如鷄鶩旦餘杭塘南人家鷄卵生牛後半身猶帶黃未化又猪生一人其身首俱人惟手足似猪嘉靖二十六年二月京師十王府前王健兒家猪生五子其一人首後二蹄人足生即能行又崇德羊生一人弘治間錢塘湖市民家生子一頭兩面二耳四足具男女形正德間邵主簿家在鎮江一產五女嘉靖初西溪婦生一子兩頭一身五臟在外十三年臨安一產四子長六七寸二十四年良渚王本妻生一男兩頭隆慶初餘杭周氏一產四蛇大異事